

Bajram u obnovljenoj Ferhadiji. Svećanost otvaranja objekta predviđena je tek za 7. maj 2016.

16/07/2015 11:23 by Administrator

BANJALUKA - Post, kao jedan od važnijih oblika duhovnosti, učini nas tome kako da se suočimo sa sobom i bolje razumijemo sebe i svoje postupke, a zatim i druge, izjavio je za "Nezavisne" Osman ef. Kozlić, muftija banjalučki, podsjećajući da bi u tom svjetlu islamski vjernici trebalo da dočekaju nadolazeći praznik, Ramazanski bajram.

"Svjedoci smo da, posebno danas, postoje ozbiljne zloupotrebe religijskih učenja. Religija nas u suštinskom smislu učini otvaranju prozora prema sebi i drugima. Jedino je to dakle religija i jedino kao takvo je ispravno njeno tumačenje. Nikako suprotno od toga", napomenuo je Kozlić, koji će u petak predvoditi centralnu bajramsku svećanost u obnovljenoj Ferhadiji. Ipak, svećanost otvaranja objekta predviđena je tek za 7. maj 2016. godine. "Ferhadija je već neko vrijeme i prije ovog ramazana bila u funkciji za potrebe naših vjernika. Mi smo za te namjene nastojali da je učinimo prije stavimo u funkciju, barem u osnovnom. Planirali smo svećanost organizovati ljetos ili na jesen, ali je u saglasnosti s Rijasetom Islamske zajednice BiH ipak odlučeno drugačije", napominje banjalučki muftija. Pored znatnog broja vjernika iz svih krajeva svijeta, očekuje se prisustvo domaćih i regionalnih, te međunarodnih zvaničnika i predstavnika više zemalja prijateljica, koji su prethodnih godina s velikim interesovanjem pratili ili pomagali izgradnju Ferhadije, u koju je uloženo preko deset miliona KM, dok je u projektu obnove učestvovalo 28 saradnika i preko 120 kooperanata, uz nadgledanje stručnjaka arhitekture i umjetnosti. "Otvorena će biti 7. maja, jer je to datum kada je srušena 1993. godine, a zatim je 2001. godine spriječeno postavljanje kamena temeljca za obnovu i tom prilikom od posljedica je preminuo vjernik Murat Badić. Dakle, to je i Dan žalosti u BiH. Do svećanog otvaranja želimo završiti i uređenje zgrade Medžlisa Islamske zajednice u kojoj su vjernici klanjali sve ove godine, bez Ferhadije. Svećanost, u svakom slučaju, neće biti od rizika. Ona ima ogromno značenje za sve nas, ali nikako neće imati megalomanski karakter u organizacionom smislu", napomenuo je Kozlić.

Izvor vijesti: Nezavisne